



Minggu, 25 Agustus 2024

Ogen: Kuan-kuanen 12:4



"Jadi Kemuliaan Ras Keriahen"



Mahkota biasana ipake raja ntaah pe ratu. Salah sada mahkota si mehergana e me sikerajangen ratu Inggris Elisabet II, e me "Mahkota Istimewa". Mahkota enda make berlian si langka ras meherga si ergana la tertaksir. Mahkota e symbol kuasa, martabat ras kehormatan. Ia itamaken itakal nuduhken uga pentingna ras mehagana mahkota e jine ras si makesa. Sekalak diberu ntaah pe ndehara si mehuli iandingken desken mahkota. Ndehara si mehuli e mahkota man perbulangenna. Uga kin ndehara si mehuli erpalasken kitab Kuan-kuanen e? Sipemena, ia mereken kehamatan ras kepatuhen man perbulangenna. Ia mendukung, mpegegehi ras mpermuliaken posisi ras peran perbulangen selaku imam i bas jabu. Contoh si la man usihen bas si e e me Isebel, ndehara raja Ahab. Selaku ndehara ia erban tempa kerina keputusan e bergantung man bana, labo man perbulangenna selaku raja. I bas lit sura-sura raja si jahat, idukungna janah iajuk-ajukna perbulangenna nadingken penembahen man Tuhan ras munuh nabi-nabi Tuhan. Sipeduaken, biakna termulia. Ndehara si bage e me biakna sue kata ras perbahanen, bijak, setia, dem keleng ate ras mehuli lagu langkahna. Contohna e me kap Abigail. Ia ndehara Nabal, kalak rangap ras la terdeheri. Ibegi Abigael maka ate raja Daud ngukum si Nabal, alu kecerdiken ras bujur ukurna, ipindona man raja gelah ula ukum perbulangenna e. Abigael nuduhken uga perpadanen e la mosar amin gia pasangenta la bagi ukurta. Tapi labo e dalanna guna nundalken ia, asa ngasup ras kesahta selaku ndehara arus tetap setia. Sipeteluken, ndehara si jadi kemulian ras keriahen, e me ndehara si la mpermelaken perbulangenna. Ndehara si meganjang egona, nggit mandang-mandangi perbulangen i lebe-lebe keluarga, nuduh-nuduhken kekurangan perbulangen, e desken pinakit si ndecai tulan-tulang. Tapi sebaliknya, ndehara si mpeganjangken perbulangenna, mereken dukungan, pengergan ras kekelengen si mbangun, e me si jadi mahkota man perbulangen

☞ *"Tuhan si mahanca kita meherga jadi kemulian ras keriahaen"*